

«Biz bilan bir yo'lda»

AKSIYASINING RASMIY QOIDALARI

(keyingi o'rinlarda – «Qoidalar»)

1. Umumiy qoidalar

- 1.1. Ushbu Qoidalar “**Biz bilan bir yo'lda**” aksiyasi (keyingi o'rinlarda - **Aksiya**)ni o'tkazish tartib va shartlarini belgilaydi. Aksiya g'oloblari mazkur Qoidalarda belgilangan mezonlarga muvofiq aniqlanadi. Aksiyada ishtirok etish bepul. Aksiya qimor o'yini hisoblanmaydi va qimor o'yinlarining har qanday shakli sifatida qo'llanilishi mumkin emas. O'zbekiston Respublikasining amaldagi qonunchiligiga muvofiq, Aksiya rag'batlantiruvchi lotoreya o'yini hisoblanmaydi.
- 1.2. Ushbu Qoidalar shartnomaning barcha amaldagi shartlarini o'z ichiga oladi hamda O'zbekiston Respublikasi Fuqarolik Kodeksi (keyingi o'rinlarda - O'zR FK) 367-moddasi va 369-moddasining ikkinchi qismiga muvofiq ommaviy oferta hisoblanadi. Ushbu Qoidalar ishtirok etish shartlari, G'oloblarni aniqlash va Mukofotlarni topshirish tartibi hamda Tashkilotchi tomonidan o'tkaziladigan Aksiyani tashkil etish va olib borishning boshqa mavjud shartlarini tavsiflaydi.
- 1.3. Aksiya tashabbuskori «Korporatsiya Viza Interneshnl Servis Assosieshn» (keyingi o'rinlarda - «**Tashabbuskor**») bo'lib, quyidagi manzilda joylashgan: AQSH, Kaliforniya 94404, Foster Siti, Bulvar Metro markazi 900. (ёки марказни катта ҳарфда ёзиш керак, ёки Sitiни кичик ҳарфда ёзиш кк)
 - 1.3.1. Aksiya tashkilotchisi "AVTOMATLASHTIRILGAN TRANSPORT TO'LOV TIZIMI OPERATORI" MCHJ (STIR: 306954304) bo'lib, quyidagi manzilda joylashgan: O'zbekiston Respublikasi, Toshkent shahri, Yakkasaroy tumani, Glinka ko'chasi, 25-uy.

2. Ushbu Qoidalar matnida foydalanilgan atamalarning ta'riflari

- 2.1. **Aksiya ishtirokchisi** – O'zbekiston Respublikasining istalgan banklari (keyingi o'rinlarda – Bank(lar)) tomonidan mazkur Qoidalar shartlariga muvofiq chiqarilgan har qanday turdagi Visa to'lov kartasi egasi.
- 2.2. **Bank(lar)** – O'zbekiston Respublikasi hududida tegishli litsenziya asosida o'z faoliyatini amalga oshiruvchi, o'z mijozlari, jismoniy shaxslar uchun VISA to'lov kartalarini chiqaruvchi O'zbekiston Respublikasi Bank(lar)i.
- 2.3. **Mukofot** – Visa bank kartalari bilan Toshkent shahridagi metro va avtobuslarda yurish uchun 30% chegirma.
- 2.4. **Ishtirokchi** – ushbu Qoidalar shartlariga muvofiq harakat qiluvchi Aksiya qatnashchisi.

3. Aksiyani o'tkazish muddati

- 3.1. Aksiyani o'tkazish muddati: 20.09.2021 yildan 31.12.2021 yilgacha (31- sana ham kiradi).
- 3.2. Tashkilotchi O'zbekiston Respublikasining amaldagi qonunchiligiga muvofiq, ogohlantirish bergan holda, istalgan vaqtda Aksiya o'tkazish muddatlari, sovrin jamg'armasi va ishtirok etish shartlariga qo'shimcha va/yoki o'zgratirishlar kiritish, shuningdek, Aksiyani o'tkazishni to'xtatish, qisman yoki to'liq bekor qilish huquqini o'zida saqlab qoladi. Amalga oshirilgan o'zgarishlar to'g'risidagi ma'lumot https://cis.visa.com/ru_TJ veb-saytida joylashtiriladi.

4. Aksiyada ishtirok etish shartlari

- 4.1. Aksiya ishtirokchisi – Toshkent shahrida jamoat transporti uchun Visa kartasi orqali to'lovlarni amalga oshiruvchi Visa Bank kartasi egasi hisoblanadi.

5. Aksiyani o'tkazish tartibi

- 5.1. Visa bank kartalari egalari Toshkentda jamoat transportida harakatlanish uchun 980 so'm to'lashlari mumkin. Aksiya doirasida Visa bank kartalari bilan avtobus va metro uchun to'lovlarni amalga oshirish 30% ga arzonroq – 1400 so'm o'rniga 980 so'm bo'ladi. Aksiyada barcha turdagi Visa kartalari ishtirok etadi.
- 5.2. Aksiya mukofotini olish huquqiga ega bo'lgan Aksiya ishtirokchilari tomonidan faqatgina ushbu Qoidalarda nazarda tutilgan shartlarda olinishi mumkin.
- 5.3. Aksiya mukofotini almashtirish yoki qaytarish mumkin emas.
- 5.4. Berilgan mukofotni almashtirishga yo'l qo'yilmaydi.
- 5.5. Mukofotlar miqdori ushbu qoidalarning 3-bo'limiga muvofiq, 5.1.-bandida belgilangan tartibda faqatgina Aksiyani o'tkazish muddati bilan chegaralanadi.

- 5.6. Aksiya Tashkilotchisi Aksiyaning Umumiy Mukofot jamg'armasini ko'paytirish yoki kamaytirish hamda Aksiya qoidalarda nazarda tutilmagan qo'shimcha Mukofotni kiritish huquqini o'zida saqlab qoladi. Agar bunday o'zgarishlar amalga oshirilsa, Tashkilotchi bu haqida ushbu Qoidalarining 8-bandida belgilangan tartibda xabardor qiladi.
- 5.7. O'ynaladigan (Qoidalarining 5.1.-bandida keltirilgan) Aksiya mukofotlari qiymatini soliqqa tortish O'zbekiston Respublikasining amaldagi qonunchiligiga muvofiq daromadning ushbu turi uchun belgilangan stavka bo'yicha amalga oshiriladi. Aksiya tashkilotchisi, soliq agenti sifatida, Aksiya G'oliblari tomonidan olingan/yutilgan mukofotlar qiymati bo'yicha jismoniy shaxslar daromad solig'ini hisoblaydi (ushlab qoladi) va o'tkazadi hamda tegishli soliq organiga Aksiya G'oliblarining mukofotlari bo'yicha soliqlarning ushlab qolingani va to'lab berilganligi to'g'risida ma'lumot yuboradi.

6. Aksiya ishtirokchilarining huquq va majburiyatlari

6.1. Aksiya ishtirokchilarining huquqlari:

- Qoidalar bilan tanishish.
- Ushbu Qoidalarida belgilangan tartibda Aksiyada ishtirok etish.
- Qoidalarining o'zgarganligi to'g'risida ma'lumot olish.

6.2. Aksiya ishtirokchilarining majburiyatlari:

- Ushbu Qoidalar shartlariga rioya qilish.

7. Aksiya tashkilotchisining huquq va majburiyatlari

7.1. Tashkilotchining majburiyatlari:

- Ushbu Qoidalariga muvofiq Aksiyaning o'tkazish.
- Aksiyaning barcha ishtirokchilariga mukofotlarni taqdim etish.

7.2. Tashkilotchining huquqlari:

- Tashkilotchi O'zbekiston Respublikasining amaldagi qonunchiligi hamda ushbu Aksiya Qoidalarida nazarda tutilgan barcha huquqlardan foydalanadi.
- Ushbu Aksiya Qoidalariga talablariga javob bermaydigan Ishtirokchiga mukofot taqdim etishni rad etish.

8. Aksiya ishtirokchilariga o'tkazish muddati va shartlari haqida ma'lumot berishning tartib va shartlari

8.1. Aksiya Ishtirokchilari va muayyan ishtirokchilarga Aksiyaning o'tkazish tartibi va shartlari haqida ma'lumot berish ushbu Qoidalarining 3.1.-bandida ko'rsatilgan Aksiyaning o'tkazish muddatida ushbu Qoidalar hamda Aksiya to'g'risidagi ma'lumotlarni tarqatish yo'li bilan amalga oshiriladi.

8.2. Aksiya tashkilotchisi ushbu Qoidalariga o'zgartirishlar kiritish huquqini o'zida saqlab qoladi. Aksiyaning o'tkazish muddati uzaytirilganda yoki Qoidalariga boshqacha o'zgartirishlar kiritilganda, Tashkilotchi ushbu o'zgarishlarni hamda yangi Qoidalarni e'lon qiladi.

9. Shaxsiy ma'lumotlar

9.1. Aksiya Ishtirokchisi shaxsan, o'z nomidan, ixtiyoriy hamda mustaqil tarzda harakat qiladi. Aksiya Ishtirokchisi Aksiyada qatnashish va mukofotlarni olish bilan bog'liq barcha xatarlar va oqibatlar bo'yicha javobgarlikni o'z zimmasiga oladi.

9.2. Tashkilotchi Ishtirokchining ushbu Qoidalarining 10.1.-bandiga muvofiq olingan shaxsiy ma'lumotlari faqatgina qonunchilik bilan belgilangan soliqlarni to'lash, soliq organlariga hisobotlar yuborish va tegishli Mukofotlarni yetkazib berish uchun foydalanilishini hamda Ishtirokchining qonuniy huquq va manfaatlariga zarar yetkazadigan boshqa har qanday tarzda foydalanilmasligini (shu jumladan oshkor etilmasligini) kafolatlaydi.

9.3. Shubhalardan holi bo'lish uchun hech qanday shaxsiy ma'lumotlar Aksiya Tashabbuskoriga taqdim etilmaydi va u tomonidan foydalanilmaydi (qayta ishlanmaydi).

10. Boshqa shartlar

10.1. Aksiyaning o'tkazish bo'yicha Tashkilotchining barcha qarorlari yakuniy hisoblanadi hamda muhokama qilinmaydi.

10.2. Tashkilotchi ushbu Qoidalarining 8.-bandida keltirilgan tartibda Aksiya haqida qo'shimcha ma'lumotlarni joylashtirish huquqini o'zida saqlab qoladi.

10.3. Tashkilotchi quyidagi hollarda Mukofotlarni berishni to'xtatib qo'yish yoki rad etish huquqini o'zida saqlab qoladi:

- Agar Ishtirokchi ushbu Qoidalarining boshqa shartlarini buzsa, shuningdek, O‘zbekiston Respublikasining amaldagi qonunchiligida ko‘zda tutilgan boshqa hollarda;
 - Agar Tashkilotchida Ishtirokchining Aksiyada halol qatnashayotganiga shubha paydo bo‘lsa.
- 10.4. Tashkilotchi Aksiya Ishtirokchilari bilan yozma muzokaralar yoki boshqa har qanday shaklda muloqotga kirishmaslik huquqini o‘zida saqlab qoladi, O‘zbekiston Respublikasining amaldagi qonunchiligi bilan yozma muzokaralar o‘tkazish talab qilinadigan hollar bundan mustasno.
- 10.5. Aksiya Ishtirokchisi Aksiyada ishtirok etishida ushbu Qoidalar bilan tanishib chiqqanligini hamda unga to‘liq va so‘zsiz rozi ekanligini tasdiqlaydi.
- 10.6. Agar Mukofot «olishni rad etish» sababli rad etilsa, u G‘olib tomonidan takroran talab qilinmaydi. Bunday mukofotlarning to‘lanmaganligi bo‘yicha da‘volar qabul qilinmaydi.
- 10.7. Agarda kompyuter viruslari bilan zararlanish, Internet tarmog‘i ishidagi uzilishlar, nuqsonlar, manipulyatsiyalar, ruxsatsiz aralashuvlar, soxtalashtirish, texnik kamchiliklar kabi Tashkilotchi tomonidan boshqarib bo‘lmaydigan va Aksiyani o‘tkazishning xavfsizligi, halolligi, to‘g‘ri o‘tkazilishiga xalal beruvchi yoki bunga imkon qoldirmaydigan qandaydir sabab tufayli ushbu Aksiyaning ixtiyoriy jihati rejalashtirilgandek amalga oshmasa, Tashkilotchi Aksiyani o‘tkazishni bekor qilish, to‘xtatish, o‘zgartirish yoki rad qilish masalasini ko‘rib chiqishi mumkin.
- 10.8. Shubhalardan holi bo‘lish uchun, Visa Inc. kompaniyasi va unga tegishli har qanday shaxslar Tashkilotchi bo‘lmaydi, Aksiyada, G‘oliblarni aniqlashda va/yoki mukofotlarni taqdim etishda ishtirok etmaydi hamda Tashkilotchining O‘zbekiston Respublikasi qonunchiligi ushbu Qoidalarga rioya etishi uchun javobgar bo‘lmaydi, shuningdek, Ishtirokchilarning e‘tirozlariga javob bermaydi.